

東洲草堂詩鈔

東洲艸堂詩鈔卷二十一

道州 何紹基 子貞

題董梓亭冰山立馬圖

己未

四十年前文字盟，羨君鵬路早飛鳴。  
醒來宦海三生癡，奇絕天山萬里行。  
此日鬚眉帶冰雪，依然意氣挾幽并。  
鞭絲尙倚阿翁健，南望何妨一請纒。

時送乃郎入都會試，仍思往南河也。

詠牛仲遠小小斜川竝蒂蓮

小小斜川似泊鷗，無邊風露翠雲流。  
嬋娟夜月雙花影，占盡明湖十里秋。

回環三面繫漁艘，罨畫亭臺曲角窗。  
好是荷花真世界，飛來水鳥總成雙。

滋涵煙水孕清華，瑞紀嘉蓮自古誇。  
卻笑徵庵多附會，一茄爭

得十三花

見姚牧庵集

秋來芝艸秀，稻園並蒂紅。榴照雪軒佳話，一時欣忭附。惟將種

德勉兒孫

同時橋春源處產靈芝，余孫新移石榴盛開。有並蒂一枝，鮮色不改。至今春二月始落。

### 送黃笠山觀察督師出省勦賊

神交三十年，把臂語驚眾。

前年始相見，謂余曰：神交三十年矣。

果然亢爽懷互屏

諛詞貢公餘，接談宴莊論。雜諧哢今茲，好花時藥破。淡春凍

好君

藏畫

忽屬繫鞅行，會擁壺漿送。一官老牧令，父母喧輿誦。佳苻

或偶發雷霆，轟積封去年清野議。古法得新用，百壁有聯絡。千

里歸磬控

君戡盜有格，上年曹充册。堅壁清野之議，自君發之。

蠶茲徐毫開，蜂蠶所宗統

### 三省議合攻

九重浚折衷，羣疑撼大樹

時有讒君於大府者

特簡需良棟，徑可一鼓殲。迅滌潢池弄，屈指十年來。瘡痍萬家

痛比者沿江淮多閭就招飄機檣或漸戢扉屢况難供淡宜撫  
勦兼不貴殺機縱眾人尙苟得奇士矜幸中惟有元老姿善養  
神威重春郵韻桃李快雨催耕種時望雨甚切未須兼程急正好緩  
轡控幸寄軍中詩慰我江南寧功成早歸來

殊褒下丹鳳賀君花下酌櫻桃薦新獲

三月初四日吳竹如方伯招同錢香士看海棠先過嵇  
春源處歸夜風甚冷有作

昨日三月三偶與清明期諺云兆豐歲聊可欺童兒童兒出門  
去躡青忒娛嬉歸來述麥候青青尙沿陂五日十日內得雨猶  
可滋老懷乍一慰仍復兼信疑農興氣蒸鬱濃雲蔽午曦難得  
素心招且信步屢遲先到濟南社旁連放生池池魚水波熱庭  
花雲錦披海棠色醉陝丁香香沁脾後至西司園

俗稱藩署爲西司以其在

西水石最清奇海棠古鐵幹傳是前朝遺狂風恣顛簸大藥明  
葳蕤主賓暫歡笑仍復連歎噫農家不可問花好竟何爲況又  
未必好漸乾葉與枝雖踐看花約益增閨雨思入夜乍寒慄氣  
候太參差明晨乃吉亥藉田聽禾詞

趵突泉

灤水源頭大是奇千年趵突有神機人工天匠難窺察萬斛珠  
璣盡倒飛

新鑿小池引芙蓉池水注之清甘可飲時羣燕飛集因  
題爲燕來泉

街南挑水苦透遲隔巷芙蓉舊有池一鑑方塘新水滿鼠姑開  
後燕來時

盼雨書懷仍用去年韻東雨船中丞生日

盼雪復閔雨二麥輟吟和

冬不雪春不雨吾誠所不嫌瀆久亢

真無那龍洞泄仍伏岱雲高不墮

屢次得小麥芽才數寸何時入

春簸茅齋苦塵坐囊粟餘璨瑳不忍謀肉食尙免親自磨豈知

塵市閒價已騰百貨一雨亦何慳萬氣爲之挫慚余枵散材濫

忝臬比座每聞請雨期輒廢半宵臥望歲祝豐穰爲時平坎坳

連晨風候涼滿院蟲聲浣此雨信也傳聞省南北潏沱塊已破欣因

介雅辰試附諸生課連日課諸生詩公詩不厭瘦吾隸敢辭餓時方蓄隸書

快占三日霖敬補一樽賀

苦旱以來龍洞岱嶽祈禱未應四月八日從兗州請靈

石來供奉龍王廟中丞率屬每日兩次步禱初十日余

亦往叩歸作此詩並示書院諸生同作

三冬無雪氣不收三春不雨田無疇豪門冷澹悵花事野老慘

戚傷麥秋遣官尋雲陟岱谷策騎請水驚龍湫層壇不憚排日  
禱點滴隨逐狂風休適逢佛誕入初夏虔奉靈石來充州澤化  
五年五月五真言呪祈甘露流靈石上列真言千  
年前事或可據三五  
日內何曾酬或云豐歉屬天意詎能賜雨供人求矧茲片石叢  
爾甚非比大山尊且優自古朝廷布膏澤九重端拱惟凝旒宰  
相委蛇臺諫諱大吏洩忍卑官憂偉哉雲根蓄幽巽近承岱氣  
爲匹逖徑當雷霖剖胸出一救菽麥沈痼瘳神嶽崇厚豈汝妒  
汶濟交涸資包羞功成惠溥不矜伐旋伏井底如潛虬嗟余頽  
廢不任職爲此寢食安敢偷眾官禱罷車馬散潛往悲叩難自  
由赤日方炎午未後濃雲忽起東南陬欲雨不雨意難測屯膏  
何忍甘效尤石乎未可自貶抑能聽吾言應點頭

五月望日得雨澆透次日中丞有詩索和

硯田生塵埃得水旋已焦筆頭少風韻枯茶不復驕閒時學舍  
坐看天迷昏昭竊想大府衙官事多鬱躡雲容忽浩浩雨聲已  
瀟瀟如萬馬走坂如羣鷹脫條眼見渥城市漸知沛垆郊厚蓄  
蓋多時一洩在此宵迴思半年事千里首空翹豈料今夜寢萬  
家靜無鬚未見大秋好已滌旱氣消老蠖廢眠久短鬢尙耐搔  
游山竝觀稼預擬襪被挑卹民且謀國公方率其僚誠祈果獲  
報天惠非徒邀難免走卒笑又聽新詩敲

余因腹疾久不出今日偶至湖上仍被雨促歸適中丞  
疊韻詩至奉荅二章

老蠖不止酒溼熱在中焦人夏脾土洩外應畏景驕敵翁久跋  
歷勞苦功亦昭末疾不遇和蹇修時傲騷雞鳴思君子風雨聞  
瀟瀟新詩疊琴筑洛誦弛巾條知公健腰腳便擬觀遂郊嗟余



兩旬來枯坐閱昕宵今午試緩步萬象皆舒翹農務各已興市  
聲恬不鬻天時有亢陽塊壘且一消人心如小兒蚌處何難搔  
湖水當面長野菜駢肩挑鷓鴣散亂出不復從其僚雨候又將  
至雲羣莽相邀急點乍無數學舍門自敲

樹餘無情碧土有可憐焦蘊隆既太甚民氣不能驕

天戈所指塵義問普宣昭建業尙岫負維揚復繹騷餘氛至豫  
章頗聞犯疑瀟土匪如飢鷹得飽尙易條京師資障破齊魯卽  
垆郊或有儉收穫何以紓

旰宵欣茲漫且濕蘇彼尙與翹遙知千里外一靜早聲囂岱澤  
天下徧烽煙寰海消憂時淚一洗問天首罷搔小池近白築剛  
土正費挑快雨助綿力活水明虛寮公餘儻有暇煮茗不敢邀  
驪可竹橋陰其聽珠玉敲

荅余菱香

百穀枯已盡詩苗與同焦一字不能吐寸管無由驕天時有鬱  
舒物候相宣昭自從大雅缺化爲楚人騷聲情悲怨多遺韻滿  
沅瀟與君接鄉井近復親襟條我雖藉嘉蔭詩心如島郊瘡痍  
塞兩眼感歎在中宵兩年此安硯多士競舒翹暫息山水游亦  
避塵市囂快焚忽相遇慍悒何從消知君心共苦相見首空搔  
甘澍喜疊沛吟鐙得同挑君有觀稼樂兼察五郡僚我多植花  
果禽語喧招邀但得飽飯喫敢憚險韻敲

十九夜得弟姪書知蘇杭苦雨不晴又以城南書院主  
講無人欲余返湘適中丞三次詩來道及昔年田居之  
樂復成兩篇

愁霖暗蒼霄沈霧迷金焦傳聞吳越訊甚苦陽侯驕江海互冥

晦日月少光昭豈知淮沂北旱氣方鬱騷但聽風烈烈不見雨  
蕭蕭枯裂到几案悒悒失纓條苔潤忽騰礎雷聲時殷郊雲油  
遂雨沛卜晝兼連宵百穀醒醉癡指日抽英翹江滌定當戢海  
潮不復囂南北易陰晴氣候相息消天下有痾癢大造能扶搔  
公詩長城堅孰敢偏師挑何須鬪險捷屢欲困賓僚但將元氣  
斟益兆福祿邀吳豫會胥靖金鼓當息敲

自我投閒來有似桐尾焦燼餘材礪礪盡氣虛驕未能廢悲  
憫尙欲分龔昭感時出吟嘯此意本雅騷弟姪宦吳越風雨阻  
晦滯佳節來問訊驛使寄衣條憐我久畱滯苦勸還鄉郊把書  
懷友于兀坐忽淡宵無田可耕穫何處不脩翹城南固自佳樂  
社亦免囂况逢主人賢能使羈思消早歲適相煎雪鬢不可撻  
見日內甫白髮欣逢甘雨零不厭短檠挑居然兩腐儒韻事傳羣儉江

湖何浩渺鷗鷺隨呼邀因公動土思此理其推敲

中丞四次詩來首句云浮世乏賞音誰辨枯桐焦因廣

其意

浮世乏賞音誰辨枯桐焦名論頗驚俗末學恐滋驕六朝尙綺  
麗四始誰宣昭傑出杜陵老才力薄風騷中閒涉秦蜀晚歲浮  
湘瀟誰知當少壯已不受羈條相從高李輩實枉齊魯郊歷亭  
啟芳宴名士集良宵風流今繼續結構增軒翹惟公撫此久士  
氣靜不囂況值快雨節一洗炎塵消詩懷有同抱拔癢誰與搔  
湖頭白舫出柳外青帘挑公其振詩教未可私厥僚大雅徧傳  
示子矜各相邀庶幾切且琢解道推與敲

吳竹如方伯見示喜雨次韻詩奉荅

遺書秉程朱古義尋伏焦兼粹學與養能化吝且驕過從素心

洽攻錯厚誼昭淡春海棠開奇餘宜補騷酒如醴溷地屋似船  
橫瀟其時旱未甚穉柳爭垂條青數寸麥危榭見遠郊蘊隆  
入初夏祈禱連晝宵天膏應霑渥夏更舒虔翹高懷發詠吟靜  
語祛紛蠹雖可豐歲卜難遺憂思消元氣久凋敝奇痛誰慰插  
軍儲少滯延

廷議多別挑貪廉況殊性未易甄其僚但望登秋時父老勤相  
邀租挈早輸送不煩官朴敲

再柬竹如

入水能不濡經火能不焦豈有異術歟祛蔽且化驕竹翁冰雪  
骨介節早光昭律已甚堅肅感時多鬱騷吾家在瀛谿百里始  
達瀟遨游恣雲水跌宕遺巾條樂源好學舍羣秀來語郊尉律  
勉識字雅詩勤肄宵羨君有嘉客皖士之英翹謂方想見主賓

談足息羣喙，鷲鳥乎齊魯。邦聖賢澤未消，奈何習頑梗。時需勤翦，搔塵市汰淫。巧城闕防達，挑旬宣皆所職。鳳厲先羣僚，人心苟能回。天恩當屢邀，聊當雨夜語。楚歌詩聲敲。

賀陳弼夫五十初度詩

并敘

古無於生日稱壽者，戴記四十曰強，而仕五十曰艾服。官政初服，官政奚可言壽乎？同年陳弼夫都轉年甫半百，爲監司已逾三考，蒞由

恩蔭生通籍，從政兵曹，積優成陟，督糧於秦，督饘於齊，魯敷

歷中外將三十年，非初服官政者比。哲嗣子良，少年掇科第，官比部，君非有職司，則封君也。老成先達也，何不可言壽之有？子良不供職於京師，隨侍君官署，頃復以事歸福州鄉里，余每至嘉蔭堂，君輒出，鼎彝書畫相與

據掌攷訂香溫茶熟有琅琅然書聲達於外者則君之  
幼子童孫也俱年甫勝衣未能應客於稱祝蓋非僂況  
今世稱祝者多無詩而有敘敘則必臚列其文行功績  
圖侈觀聽尊庭先丈人以詞林宿望受

三朝知遇外歷封圻入爲大司寇名德崇偉至今在人耳目  
君早秉庭誥曾以京兆試冠南軍旣以隆芑得官感念  
國恩諳勤職業彌務斂抑喜揚人善惟恐少自衒蓋謙樸  
不伐其性然也且朋友之道在切磋講習鋪張聞望藻  
耀屏壁雖無飾詞迹涉標榜何所取哉屬山東苦旱禹  
船中丞率屬齋戒致禱於岱頂於龍洞兗州之靈石邯  
鄲之鐵牌焦鬱者兩巾月至仲夏望後甘澍屢臻千里  
優渥君方重葺署後也可園及蓮子湖古厯下亭工適

告成同人得藉以遣懷推美於君中丞作喜雨詩君與竹如方伯菱鄉觀察皆和之余頻和未已因復疊前韻爲介雅之詞同人亦咸有繼聲君於是顧而樂之乃舉樽屬客曰今日之酒爲喜雨設也客皆笑應曰諾時咸豐九年季夏月哉生明實君五十初度日也詩曰

太山無時傾東海無時焦一高與一深造極不相驕行省介其開望祀

國典昭膏潤古無比旱魃今敢騷一陰方長養連日聞淒瀟君筦海王國露冕揚翎條旣欣足潮汐尤喜滋甸郊鶴齡屆半百蛾月明初宵幹才海可煮詩力關能翹衙後也可園退食遣煩鬪千秋歷下亭古意恐沈消石筍與扶樹薛衣勤爬搔輒從野空買水合家僮挑俸錢任補苴不欲煩屬僚兩地宜我醉但隨



主人邀醉餘，揮記石待聽。瓊椎敲

時屬書重修  
歷下亭記

題吳修梅同年鐵琴圖

琴名天籟，爲孫公和物。項墨林得之，以名其閣。鐵冶亭，尙書以

贈崧甫相國丈  
修梅護藏之

嶧陽孤桐不可采，鑄鐵爲琴壽千載。此中天籟從何生，非仙之人誰與解。修梅居士古心魄，匣裏却橫護先澤。至寶何曾輕示人，攜圖徧示江湖客。鐵亦非鐵，琴非琴，笑我無心諛墨林。幾時杖策蘇門去，靜聽高空鸞鳳音。每思爲百泉之游，牽纏未果。

陳弼夫都轉重修古歷下亭，以六月十六日落成，招飲屬紀以詩。同座者楷、春源、方桴之、朱時齋、牛仲遠、賓主共六人。

當時北海宴上，部海右此亭已稱古員外。雖營結構新，臺觀之舊何年所。堂堂更閱千餘歲，代有廢興增仰俛。一城勝景此湖

山萬古清風延李杜福州陳君濟時傑家世誦芬傳治譜卅年  
數歷涉中外滿身才望資文武懷賢誼古寓襟抱振廢修殘得  
根矩高情澹蕩落湖水薄俸翩然化亭宇滌維

純廟屢巡方步趨

仁皇勤績緒濟南勝處

御題徧湖上頻頌

宸翰咀

濟南趵突泉珍珠泉千佛山舜廟白雪樓皆有  
純廟御詩碑而大明湖題一首春暮游歷下亭二首題

龍華橋絕句三首登會波亭有作一首皆在湖上作春暮游歷  
下詩碑恭建亭中今亭既重修又從司家馬頭移大明湖題一  
碑恭立於大門外欽瞻兩碣星斗聯勢犴層霄龍鳳舞百年禮樂今猶

昔

三代憂勤

孫紹

祖游豫徒勞望

翠華艱虞更益塵

當宁十年

宵旰無暇逸四海瘡痍但悽楚今茲大旱異常歲坐見千里成  
赤土可憐菽麥盡枯倒又見蝗螟生翅股五月望後雨始來直  
自京畿淡齊魯連宵徹旦恣酣渥久鬱一舒成莽鹵兼旬畏景  
復焦迫萬隴雜嬰待甘乳欣逢昨夜再沾洽恰與前番相助補  
計從仲夏得雨初亭子經營事斤斧今朝工罷芳宴開天與湧  
沱潤樽俎快聞夷棧焚海上又報捷書走江浦卽看天下洗兵  
馬何止山東多黍稌穹蒼有意蘇疲民福應從茲歸

哲主

小臣

閒放坐迂闊終年悲喜相錯迕不辭一夜戀琴磯會

見九州樂千羽賦賓跌宕負文采相與脫略遺篋組結屋或

孤蘆鄉尋盟早入鷗鳧侶

謂春源仲遠

半湖晴靄乍開合四山夕陽

爭媚嫵是月十六月正望水鏡圓  
照初鼓煙雲斂盡夜光滿  
荷菱無聲暗香吐主人見謂宜有詩  
匪曰落成仍喜雨詩成紙  
上露珠生字字光明何忍費

宗滌樓見示徐鐵孫同年畫梅扇感愴有作

昔年曾見鐵孫詩鐵孫解蠶吾未知滌樓舊扇肯持示令我未  
看先驚奇從來畫梅須有骨惟君植骨冰雪窟一枝突筆飛猶  
蛟滿紙虛光破荒月又聞畫梅難得韻史粹經腴君醞醞暗香  
忽自指頭生幽抱最於寒藥近當時作吏如龔黃能以儒雅除  
強梁提軍轉戰乍淡入大星一落天無光烏乎鐵孫遂千古幾  
處湖山照祠宇忠魂滅賊竟何時空傳遺墨珍瓊瑤同年邂逅  
止一面肝膽輪囷快傾吐想當落墨正歡笑奇葩異餘紛如雨

於今瞻諦起恭敬但覺峻嶒無媚嫵虛堂一夜秋風來掃盡人  
閒喜神譜

成哲親王爲謝東墅侍郎畫宣城見梅圖卷爲竹如方  
伯所藏雨舫中丞借觀半載始歸之兩次題詩皆用王  
及侍郎原韻方伯見示余亦繼和

江南落葉點征衣雪裏溪邨盡掩扉到眼逢梅人一笑搖鞭得  
句馬如飛歸途千里短長埃韻事

三天前後暉想見名王樂賢傳瓊瑤咀嚼失寒饑

書律當年重九成

先公戊辰己巳開日臨九成宮醴泉銘乃王借帖令習自謂得力於此

未隨趙

董妪元明畫禪北苑還參妙驛路南枝肯發榮不著一花全得  
韻重題舊墨轉生情

與詩在乾隆丁酉

繡漪吟安還多事半

載掀掌錦句橫

題陳弼夫也可園圖余前年冬南游寓滄浪亭之可園  
梅花水軒則也可園所無也

修牆補樹又疏泉故事迴思七十年

阿雨窗初構弼夫重葺

添得鼎彝書

畫寫紛欣古色助雲煙

也可園中憶可園幾時重蹋舊苔痕  
最憐雪月交光夜百本梅花四水軒

雨舫中丞見示伊吾司馬侯猗碑手鈎一通適君以閣  
學內擢因題碑後兼寫別懷

東京侯氏頗寥闕君房而後希有聞瑾也  
廁居邊鄙列

見范書文苑傳

魏敦煌人猗乎今見斯碑文伊吾司馬始建設屯田塞下督耕紘縱  
非威名等傳介亦當愷悌如耿勳敦煌雲中竝河外兩侯或本  
同榆枌一文一武顯晦異碑詞史筆齊垂芬我生金石宿緣厚

廣蒐遺逸理放紛裴岑碣得舊打本中有古餘祛蝨芸

余所得裴岑碑

乃張古餘先生舊藏遠勝後來搨本

侯君銘字更奇重光氣上屬天山雲薩公工

書我習見政暇尋帖意甚殷

湘林先生昔守長沙公徐惟作書評帖而已

初搨百本

不到我多付俗子供摧焚玉關飛越騰此紙郵筒風義見兩君

湘林竹農獨怪揆奇覩三面何不獵古掩其羣睦堂祖谷定何語無

緣起問故將軍香南居士偶獲此借到齋閣香先薰桂花濃開

酒盃重翠墨乍展詩魂欣三行磊落廿餘字朗若星斗天章分

擘掌十日不忍釋老擊鉤出多細筋

余復識出首行五字三行盛字首行末字亦隱隱

可辨公鷹鬣寄跋歷久歸依香案絲綸勤聞道趨

朝已有日顧余戀別無可云迴憶談碑幾滄熱相與訂古忘宵

昕樂社秋風悵爾滯

楓稜瑞靄瞻烟熅春明豈少文字樂止愁羶附如蠅蚊幾時再

題題 秘會合聯句 雷書襲

薩湘林奇尹竹農書略云伊吾城北行沙漠百二十里  
爲南山口登山赴鎮西府所必由入口十里道旁有  
石刻煥采溝三字乾隆十五年田輔仁書也道光十五  
年許子直游天山歸言石上有隸書不可辨余遣吏往  
榻得兩行有曰惟漢永和三年六月十五日解滌次行  
馬字下有雲中沙海侯字碑三而刻字可辨者尙有陸  
堂陶君等字想亦紀功之作又云問仙云龍谷戎軍所  
立沙壁摩命碑裴岑寫銘以紀戰功於歸路道旁石上  
也同時有三碑一裴岑紀勳二卽此碣三失於敦煌處  
野云云裴岑碣刻以瑪納斯碧玉今置鎮西北門外關  
帝廟道光十三年余搦寄同好士大夫方見裴碑真面  
目此斷碑幾字又搦百紙編寄先寄竹農前輩道光十  
五年閏六月廿八日尹竹農跋云右伊吾司馬侯若  
題字薩湘林得石於哈密拓前三行以寄其文曰惟漢  
永和口年六月十五日伊吾司馬雲中沙南侯口字伯  
屯田置伊吾司馬一人首行伊字下闕者自係吾司二  
字侯君名似尙字疑莫能定也湘林又言石上字甚多  
惜塞外不工椎搨無從知其立石之由矣道光乙未長  
至日竹農識竹農前輩家懸城身後此軸落古董店  
吳筱亭大令掛聲得之以  
獻雨船中亦余借鈎之



再題伊吾司馬碑

湘林先生余曾見於長沙後官卿貳與先公交契郵簡  
百本不及吾齋殊不可解方小東云先生好扶鸞之戲  
問仙云云是也豈足據邪因再題四絕句

玉碣先傳巴里坤天山題字近知聞裴岑肅穆侯猗縱奇氣俱  
應媿孟文

苾兒鉤本付文泉錯落星光入隸篇者古兩君俱已古撫掌殘

字一悽然

翟文泉隸篇據吳  
子苾鉤本入錄

百本分貽昵古儕吝茲一紙到吾齋老蟻猶擊雙鉤出可比將

軍墨拓佳

荒唐鬼語託仙書祖谷戎軍定子虛煥采溝邊三面字待誰拓  
取睦堂餘

王子梅補聊城縣丞屬書昌黎藍田縣丞應壁記將勒  
之石喜其有隨境自得之意率綴小詩爲別

崔君奇屈姿不入層傳策賴有韓詩文稍可證蹤迹進士鴻詞  
科貞元早通籍浮沈廿八載始記藍田壁厥初大理屬蓋以言  
事謫莫嗤官八品難禁喙三尺吾友王子梅瀟灑秀風格種學  
耕先疇文采勤自績戰藝不得當搏風鍛雲翮辛勞就卑官需  
次久乃獲家貧氣尙豪心坦面不瘠猶能昵酒盃劇喜耕書用  
翻將赴衙齋差免嘲泛宅秋風仲連臺夜雨夾馬驛古意莽沈  
恣詩懷轉芴魄暖窳老無用溢主深源席關門日誦古時方創  
解澤源

書院志

解帶嬾迎客吟朋日見少漸漸成孤僻君復舍我去別緒

早纏積吾雖非退之君當步斯立靜試麝煤香媿彼銀篋白餘  
紙綴小言未可鐫荒石閒官棲鶴巢壯志愛駒隙時寄哦松篇

慰我相思夕

題舊臨坐位帖後

彭雪嶠太守以乙酉拔貢出先公門下丙申成進士入詞林與余爲同年憶余少壯時喜臨坐位帖

廷對策亦以顏法書之十二刻而畢爲長文襄阮文達兩師相及程春海侍郎師所激賞已置第一旋以語疵落置十一嗣後史館編摩狎書應客不復臨是帖矣自丙辰客居歷下倏逾三載雪嶠家居城中過從諧際無異昔游一日出示此幅云是丙申以前從余案頭拾得者感珍庾之有年媿工力之罕進漫綴小詩於後時君將出山故有末首

柔蒙硬紙寫無停文采當時動

大廷煖臂今成強弩末且論書與後生聽

使蜀時曾因論書作煖臂翁詩示諸生以

後自呼煖臂

曾及吾家全盛年司農門下萃羣賢弟兄竝几詩書畫韻事偏

多未第前

時仲弟子毅尙在畫入逸品

淡秋風雨促行車作郡恢恢刃有餘大好江南山色裏勤摹顏

楷讀班書

兩事君所素習

宿商家林

聞說頻年苦旱荒商家林子氣蒼涼連宵滴透淡秋雨想到明

年餅餌香

謝僻觀堂方伯送酒

隔牆呼飲菊花前

謂廿二日之約

仍念蕭齋看雪天飛到江南雙巨喪

甫出津門至

老煖茗芋入新年

次韻荅祁壽陽相國三首

故鄉南望尚無家，塵海還容破帽斜。灤社春添榆柳蔭，明湖秋

老荻蘆花。吾廬乍到餘餐菊。五弟自上年移南半節胡同新居古寺清游費煮

茶兩載銷磨文字債，肝腸非復舊槎枒。

相公輦下託浮家，世上浮雲任整斜。賸有高情延白屋，何曾晚

節負黃花。秋心暫寄茅柴酒，冬味全歸雪水茶。指日飛雲滿畿

甸，西山掩盡樹槎枒。來詩望雪

井西喬木是公家，美蔭街連上下斜。書律晚嫌新柳腳，來詩有平生梅

抱元和詩懷寒對古梅花。續編諷詠如嘗蔗，見示後集雋味咀

含勝品茶乍覺杜顏真。氣合破牆題句出，槎枒日前示詩論杜顏合一之旨

張詩船留飲

前年秋別老船家，重蹋怡園石徑斜。拚與一旬三度醉，蕭然兩

麥萬枝花嘯吟乍復聯  
鵲鶴君曾屬余題  
扁曰鶴在  
色德從容論墨茶  
到西谿淡雪裹老梅香破玉槎柯

次韻荅沈朗亭

十年烽煙纏郡縣風雨懷人阻相見  
惟余與子又不然  
趣別閒忙難覩面  
或云蠖麥落頽放每恣雲游多暇宴  
豈知生性不閑豁日爲時艱  
省眠饌邇來紫海迴波瀾仍報黃池費  
征戰吳疆震撼越亦驚  
扉屢須供兵再練側聞吾子占畫接  
屢建嘉謨造淡殿江南江北主將誰  
時乎時乎若流箭驛報番番六百里轉  
眼日長復添線

兩年游蹤越字縣千里北來急相見  
衝寒投宿久芬室  
君書望齋名

歲竟隔諸梁面長沙黃子代款客  
招集羣賢促宵宴  
涸餘池水難烹茶  
盼斷雪花思廢饌是日雲陰已厚積  
竊想飛空玉龍戰

揭來十日仍晴乾空庭素月明如練

聖人憂時思得賢

授簡彤廷分最殿兩齋雄駿各秀出大者榎楠清竹箭文章華

國古所重補袞從來嗤韞線廿六日到澄懷閣奉訪值君方入城夜飲黃樹皆侍講寓同直潘伯

寅許仁山張肖梅鮑花潭及吳冠英俱集秋閒廷試兩齋諸君皆高等

前年度歲錢唐縣叔子久別欣相見謂三弟子敬與君最習南北高峰翽

若迎西湖圓似故人面故人最數杭州多邀看梅花屢開宴湖

光接天活於酒山色照筵腴可饌其時瓜鎮甬肅清又值浙東

未爭戰開懷復登一笑閣龕赭濤來飛組練此樂自在菰蒲鄉

未宜漏語明光殿君持國論

恩若山我歎時光疾過箭幾時重理卅年游同看蘇隄新柳線

君以辛卯秋舉出先公門下是冬余始相晤同游西湖

題周芝臺協揆宋拓閣帖後用去年題坐位帖韻

一秋不雨冬不雪千林落盡開飢鷹散裘塵土無處洗命酒來  
召靡不承芝臺先生篤舊好容我散漫脫拘繩醉餘閒語到書  
律側筆吾厭虞永興因茲咫論令推闡大似魯國逢錢僧我言  
書勢至魏晉始著名姓分神能堅特古重碑版貴流美便利簡  
札稱法異方圓力厚薄大鏡巖石細楮繒豈宜一例規不朽空  
亭墨妙長登登南北書派各流別聞之先師阮儀徵小子研摩  
粗有悟竊疑師論猶模稜右軍手腕怯碑版茂漪女子師資憑  
曹娥碑仿度尙格自安小國如邾滕曹娥碑度尙分書右軍以真書仿之李蔡堂  
堂不敢議鍾張瑣瑣紛相矜神識鶴銘永易誌俛視棊几高多  
層官奴勝父語誠妄臭味亦僅殊淄澠王家未能伏庾謝大令  
差可傲嶽凝禊敘荒涼三百載已落方外薤榛藤忽媒越寺缸



面酒來伴昭陵千歲鐙歐顏褚李輩傑峙各抱古法無因仍無  
如百卷晉史出羲之一傳天筆騰推爲隸書冠今古從此規矩  
迷高曾南唐庸陋工附影趙宋沿襲來服膺文皇藝祖兩英主  
同嗜輒美嫌峻峭官帖彙集更叢僞謬混千載爲一朋大觀潭  
絳遂嗣出人閒萬本附驥蠅鮪生自幼秉庭誥每念心畫生戰  
兢欲從篆分貫真州恆苦擊弱任不勝先生聞言發長歎憂時  
搔首髮鬢鬢命書此語附帖尾傾酒磨墨成層冰是日大冷

漫欲法華連日與老蠓唱和靜夜感懷次前韻

鳳城寒月萬人家三竅幽吟點筆斜雪後商量無限味春前多  
少未開花偶緣破悶還邀笛卻爲妨眠欲止茶時事方殷朝報  
積夜鐙紅照氣槎柯

題張文敏西谿圖爲詩船作

一枝兩枝橫斜影影徧西谿花萬頃

昨爲我扇上畫梅

西谿淡處有張

莊溶溶煙水同一香二百年前老梅樹依舊一年開一度豈知

古榦出新葩非復尋常澹花梅根結就玲瓏屋日把賜書花

下讀掩書出游惟上船雙槳畫開香雪天此境拋離成半世換

卻梅花幾苞蒂欲歸未歸歲云晚歸窳翩然不知遠我亦西谿

有夙諾沈家樓頭曾睡著別來二十年彈指今日高歌向燕市

昨過金鼈玉蝀橋荷田長徧艸蕭蕭半年不雨復不雪破帽冰

涼心火熱高齋展示西谿圖舊路不煩鷗導吾鶴在軒中鶴送

酒子鶴送翁酒開佳甚幾時才入老蟻口須防一醉落莓苔化作野梅花

亂開

謝陳子鶴再送酒

一甕傾餘一甕開故人日遣酒車來晨澆十礎溫殘菊夜倒千

鍾醉古梅破屋高歌雲亂落空庭狂舞月飛回揮毫果擅雲煙  
妙要築糟卽頗費才君善書而不能飲

借鉤楊又雲

繼振

所藏婁壽碑卽題碑後

適適堂帖傳至今千年紙暗翠墨淡石花爛扁鉤取苦遂使古

縣歧隆陰地理郡國兩志在有何疑似煩酌斗單翁所得鉤本甚南陽隆人係陰

字之說單翁謂闕疑可矣似乎不必止惜問首兩版斂四十八字華星沈珠遺璧

合竟無日炯如缺月行天心難比華碑完缺異海內尙有三峰

森我覩斯碑將卅載桑下之宿空沈吟余在龔定庵處見此帖後歸文後山余又見之

又雲得之文氏又雲居士歐趙徒禾中得此珍珠琳如龍騰梭鼎出水

如收駿骨揮千金錦裝玉贈勤展護時恐它冊奔枯蟬許我借

歸真大惠江南舊躋重溫燭午窗描取一兩幅夜睡摹想畫破

衾桂張二寶儻竝到何惜十指松煤黔

桂相國藏梁氏華山碑張松屏藏朱拓石門頌

借鉤銷寒古味止此足歲華那計來駿駿昨枉瑤章重誦謔  
于長碑煩購尋徑思刻期快到手尺素已附南飛禽眞賞齋今  
承壽軒兩美或者復盜簪昔謂子廉今乃貪得隴望蜀多羨歎  
吾爲子謀非所憚連城之價恐弗任烏乎畫餅差可飽先將募  
本移珊林君急欲得夏承碑在顧湘舟家豈能購致余以所攜許珊林覆刻本贈之承壽軒者君自署齋名也此兩  
帖昔皆在華氏眞賞齋

次韻奉酬壽陽相國招飲松筠庵諫州堂見贈之作

軍興十年竭芻蕘萬落千邨長荒州惟有忠臣孝子心照耀千  
秋光不埽慈仁寺裏亭林祠昭陽單闕我新造十七年來祀事  
肅羣藉敬恭申宴好壽陽相國人倫宗謂此振興關聖道春秋  
主灌每夙臨天下學人盡傾倒榨子橋邊喬木拱椒山故廬天  
護保改作招提奠神像但有虔祀無賽禱松筠庵字知誰題可

惜胡劉

雲坡石庵

未詳討壽陽罷政已七載日下典型成國老濟時

羣彥廣延問古賢遺跡勤蒐攷驅車來過古桑下

庵中有忠愍手植桑喜

見南堂新棟橈摩挲石版重驚歎疏稿遂爲千歲寶張生固是

芝鶴流附此垂名不爲天

石刻兩疏稿詳余所作張愛之傳

小子喪回楊顧祠

皆與飾荒窮蓬葆計從入蜀風煙生未免憂時鬚髮槁頻年游

迹浪江海多媿賢侯投紵縞先生撫獎尤過情頑璞何堪藉文

纜醉餘狂論接蒼莽氣與前賢通渾浩坐中多是顧祠客與祭

雙松有遲早激昂乍可撼金石塗抹何堪壽梨棗

屢勸刻諫州詩文集

堂前有叢竹白月照之成荇藻主人送客一客留同參畫禪證

詩抱

客散後與先生茶語於冠英畫室

願韜月色成雲陰使祝祥靈降靈昊

相國命書勸獲齋額識

宸訓也謹綴小詩

相公讀書室

天賜雙戶冊曰以勤爲本日學古有獲鯛鯛老臣心炳炳

聖心畫欽惟

堂陞閱無異函丈席公今就閒還把卷忘頭白

昨命書聯把卷已頭白二句

乃云獲何有庶以勤自策卽此下學意遠接聖道脈嗟彼暇日  
多堂堂負駒隙

傅青主先生哭子詩卷爲李竹朋題

霜紅龕集哭子詩十四首前三首渾淪第四首以後各  
有小題曰哭忠哭孝哭才哭志哭幹力哭文章哭賦哭  
詩哭書哭字哭畫此卷隨意摘錄乃哭忠哭孝哭賦哭  
詩哭文章哭志哭書哭字哭畫九首也集中次第既不  
盡同所遺者除第三首外惟哭才哭幹力兩首不錄蓋

愛慟壽髦仍不免文字結習最深耳

想到虬髯與瘦肩文章忠孝更通禪不堪泣奠護靈日愴讀先生哭子篇

題周穀田商城守禦記略

一身氣可一城鑄一家力可萬家固人人解讀救命書鍊膽未  
堅神智靈君不見甲寅六月議守城全倚周家父子兵又不見  
戊午六月賊驚遁千餘人當六七萬兵家尙勇尤尙謀此才豈  
是書生流於今一邑獲固圍行省七八仍戈矛吟詩試登太華  
頂東南一望能不增煩憂烏乎東南一望能不增煩憂

穀田今  
官秦中

題壽陽相國借園寒趣卷

欲雪未雪天萬象枯不和車輪與馬蹏雜以壯士鞞壁土漲成  
海上欲掩羲娥漫徂老居士聞戶靜養痾胸中有鬱陶外類無

拘苛日領兒及孫讀書訂疑訛盎然一室中氣倏未偏頗惟公  
早通籍接武鏘鳴珂祥鱗巨壑縱健翮高雲摩

三天湛湛露萬士菁菁莪樞垣與密勿元宰尊巍峩迴首玉堂  
署曠越廿二科

渥恩許還休未忍還山阿槐街花市閒遂爲安樂窩三閒秋風  
茅萬事春寢婆別院秀桃李鄰牆滋薜蘿軒眉一眺覽眾妙來  
紛羅是能有不有亦謂它平它小子迂僻性如疾不自瘥歸耕  
無石田垂釣無漁簑寢中忽長歎醉裏餘悲歌猥辱相識察見  
謂不媿婀娜荷飾荒陋遽引爲切磋垂念典型重引看庭樹柯  
先公居此久還食有委佗培竹棗下徑種蔬松外坡風雨隔廿  
年彈指一剎那步至小園屋是爲新軸適呼雲其浮白潑墨觀  
壁窠名帖濫評品新詩疊吟哦沈思時事艱滾滾如驚波皇天



警之早奈此瘡痍何亦知空嘆惜聊復此婆娑雄心猶說劔  
面怕觀河醉餘出長卷謂宜止歎呵

先朝有掌故韻事未銷磨珍重垂柳色春風豈蹉跎梅花九九  
後朵朵豔明螺欲覘天下喜看此花顏配爲公一破笑寒趣借

園多

卷前畫一錦屏題字云亭前垂柳珍重待春風公記云題

光初年懋勤殿奉敕雙鉤本也籤題管城春滿南齋  
翰林按日填廓一畫之閒細注陰晴風雪每歲相沿遂爲故事  
云云後畫九九銷寒梅花一枝蓋八十一瓣最後畫紅梅燦發  
謂春到矣後幅點

溧皆吳冠英筆

題李荔園先生風雪夜歸圖爲子衡比部作

幾人愛惜到居諸仕學同歸歲月虛比部循循見家法公餘不

廢讀經書

迴首雲山失故園青鐙傳到子兼孫胸陽風雪遲歸夜爲聽

聲緩打門

題四明本華山碑爲崇樸山作

甲辰使黔歸阮賜卿兄以此碑及泰山廿九字質於余齋己酉使粵時贖去云吾師欲觀也乃帖未至揚師歸道山賜卿以貧故遂以帖歸崇樸山侍郎樸山以駐藏將發屬爲題記因呵凍爲詩書於邊紙帖在吾齋時重爲裝池加寬邊今日摩挲尙難釋手也

世閒所傳西嶽碑如峰鼎峙爭屢屢吾生何幸眼福厚三本俱獲伏案披萬卷樓頭未翦本最後藏者儀徵師質向吾齋謹裝贖四載瞻奉如鼎彝自從翁阮兩尊宿定爲隸勢中郎遺郭香豈止簪書善天元律術相斟推范史輓迹堪縷指袁逢楊秉皆同時古人書石略姓字謂其筆宜天下知簪書刻石乃著名此意非許後世窺卽茲竝几廿九字小篆相傳丞相斯琅瑯會稽

皆一例於中郎也夫何疑茲拓題名勝它楮衛公再至神遜遲  
其餘行閒多寫記好名俱喜驥尾隨粵輶將發始返璧選樓未  
至驚騎箕神物一別付渺莽瘳寐八載空摹追半畝園齋使重  
觀主人歐趙之匹儀嗟余老矣甫習隸徧訪翠墨如渴飢何況  
昔年坐臥久漁人棹復桃源移主人奉

命使絕域慎旃名帖勤護持太華西南萬里外虹光先徹邊山  
陲

題傅青主臨閣帖卷爲何伯英同年作

眼空祕閣千金帖

壽陽作贈聯云眼空祕閣

篆隸真行田鼎多

忽展真山臨晉字依然習氣染鷗波

青主先生自謂少年學趙榮祿書致三十年洗除俗

氣不脫與潘翁梅學周越書同意此臨閣帖殆三十年後作安得天下寫字人皆如先生大年乎

題壽陽相國徵執亭圖

獵間卹是獵餘聚亢仇城本微徂亭喜蒐晉乘得奇字堪補鄴  
元注水經此日雲浮絲蔓白早春山接管涪青土思每展雙圖  
看千里雲嵐入畫屏

題黃小松嵩嶽訪碑圖

余所得三石闕舊拓較小松所拓太室闕多出十餘行  
每行末尙存一字後小篆碑較中州金石記所錄亦多  
識出二十餘字惜未得卽作嵩游步先生雲外蹤也

秋奩步人雲淡處儘有遺文拓未全未解山靈呵護意忍將奇  
篆祕嵩顛

題寄扇曲後

賸水殘山劇可憐尙餘生氣在嬋娟祇今無恙桃花扇一握香

風二百年

此扇令尙  
在吳門

嘉平廿日出都

京師兩年別馳驅千里程雖無在官業固有戀

闕誠兢兢當朝彥婉婉後進英才賢天下聚圖史天祿精每來  
不忍去非忘鷗鷺盟況值時事艱日聞

廷議清一朝翩然作懷我齊魯生兩情併一念轉覺行李輕漫

叻老居士鑒我去來明芻人謬相詫謂絕迹飛行詩陽相國於五鼓時作詩

送行

東坡自謂達緣盡我軌逝緣何有盡時未免自心滯浪浪大江

風有舟不須繫坦坦九達塗有輪不愁曳吾生粗解是緣緣自

相濟卽今兩月來過從滿吾契迴思嘉道時斯文有聯綴艱難

出處身俛仰天人際兒孫在樂社家書連日贊又復巾吾車去

度山東歲

東洲艸堂詩鈔卷二十二

道州 何紹基 子貞

題字課本

庚申

新歲湖山徧雪光已聞吉語說豐穰寒齋牋有臨池興煩到家  
童炙硯忙

次韻蒼嵇春原山長

我自京師歸訪舊明湖傍側聞嵇夫子養痾仍在牀時逾二百  
日擲我九迴腸昨覩顏色健不覺情話長從來中不足易使外  
物傷不見老松柏四候忘炎涼又有真玉璞純德兼陰陽惟君  
秉質厚復以敬自強潛心善涵育斂氣不飛揚脾神偶滯鬱藥  
物失扶將邪氛久盤結內念仍和康新春好雪澤鳥語花欲香  
臧府漸融暢穀茗納馨芳新詩病後出令我喜進觴從今老益

壯百歲同徜徉

登岱至五大夫松遇大雪返適嵇春源贈詩二篇次韻

荅之

塵中擾擾人孰云達觀者何況吾與子身世多纏惹翩然示佳什能自寬陶寫得失幾蕉鹿福禍等塞馬柳州賀元參退之慰東野未免強設詞益令信者寡惟宜勤保艾高吟破瘡啞

我昨衝寒出直造岱壇下欲叩後石屋須從嶽頂跨山靈既吾靳天公更相詫四顧日乍冥一山雲盡化化作萬玉龍幾時方戰罷高卑莽平夷且晝失代謝何須看日出看此城不夜登山不陟顛山僧任嘲罵私心固已愜兆稔珍無價狂哉五日游仍稅灤社駕瓊瑤正枉賈奉報手有藉

蘭扇贈黃子常祈婚

陳弼翁好

節過清明客思降  
靜無塵事擾吟窗  
園林釀得春如海  
開到幽花蒂盡雙

張小蓬司馬出省索畫蘭扇

張子寫花花可憐  
斂將奇氣得天然  
效顰笑我真唐突  
祝與香風滿路傳

樂社雜書絕句

枯榆未倒百蟲攢  
斤斧翻愁著手難  
昨夜狂風與吹折  
軒亭花竹總平安

水石連旬禱雨煩  
果然竹醉始傾盆  
溼雲散盡炎曦出  
一笑剛添弟四孫

郡廨西南馬廐分  
多年荒石似羊羣  
百夫運到幽齋裏  
化作奇峰欲吐雲



新蕉才種已成窠葉葉窗前自夏摩惟有竹梧高出屋清風四面引來多

賀梅卓庵大令績高得子

先友梅伯言冷性多恬怡卅年冰雪交道誼兼文詞猶子有卓庵風骨鬱清奇循循子弟列媿我蒼鬚翕清晨來叩門一語慰所期行年將五旬初見親生兒聞君攝胸邑兩月餘去思天公雖浩蕩時亦顯報施惟當勉其繼樹德益務滋養民如養兒昌大豈有涯

吾廬弟四孫竹醉日有喜鄰家張葛梅後先百日裏同時產英物森森四男子僑居竝作客相距不一里宛似江鄉閒湯餅互料理梅家兒最後叢桂欲開矣緩安逸循來愛聽曉聲美嗟吾雖老拙粗識書傳旨尚可童子師叨晤來聒耳世世無相忘種

家如孔李

獨游明湖

蘆花風裏快揚舫金碧新裝古厯亭製就滄江漁父曲晚涼唱  
與白鷗聽

無端激電挾金鷲特沛狂霖萬物醒入夜雨聲偏蘊藉絲絲引  
入寢中聽

蕉心

雨入深秋似淚彈祇增愁緒滅清歡勸君勤向蕉心滴滴碎蕉  
心展更寬

柬高卽霞章耶

曾訪高人高卽霞閉門誰識秀才家分盆細種滋蘭菊上架濃  
陰滿豆瓜舊印新鈔書萬卷清風大月酒連車不知楚客勤歸

思媿負重陽約看花

朱時齋楊旭齋來看石門頌因追述癸未甲申舊游話  
及蔣伯生周通甫楊徵和張淥卿朱季直及仲弟子毅  
皆成古人悽然有作

石門頌者藉書園所藏舊拓共四幅流落散失陳晉卿  
得弟四幅畱置吾齋既而楊旭齋以首二幅來李子青  
以弟三幅來遂成全璧余於乙酉春得奚林和尚所藏  
石門頌及張黑女銘忽忽三十五年矣

憶余昔年廿四五隨侍使節至齊魯藉書園與燕園鄰始識伯  
生及通甫淥卿季直摹古印徵和銳志習書譜余偕仲弟正年  
少跌宕其閒上下古漸染金石文字味四十年來成肺腑晚年  
更作歷下游乾嘉餘韻畱樽俎

翁覃谿阮儀徵種未谷黃小松  
李儀楡孫淵如請老披攷金石

縱跡多在山左訪古時尋白雪樓尋詩屢泛青荷渚幾書破帖偶一收  
非復少年勤記觀石門頽山藉書園當日園名動

當宇

純廟方開四庫館主人與貌東壁府

昔會先生藏書多種入

宸鑑名碑古碣哀成簿孫曾繁衍苦饑貧未免縹緲歸市估此  
拓尙是前代墨想見珍藏等鍾呂幾時散落不聯綴有似鴛鴦  
失儔侶三君有得皆自秘碎壁斷圭誰問取不圖次第來吾齋  
劍合珠還神鬼許卅年前得宋打木來竝南陽張黑女四幅在  
壁冊在几尹邢相望矜眉嫵離華秋色黯將別樂社人文誰更  
主平生肆力在書律蠶蒐壽編寰宇東京石墨皆我師臂挽  
雖衰勇猶賈徵和有子季直兄許其談碑資掌拊古人精神蓋  
非遠二千年閒猶仰俯因茲片楮根柢多早歲才流去如雨

空館

兒孫別我去倏忽已逾旬老翁坐空館兀然惟一身屋宇既寥  
闕花竹少精神讀書聲已寂嗟笑俱不聞蕭閒到僮僕亦罕來  
朋賓命酒孰酬和校文增苦辛宜靜不宜孤老性惟慈仁尤念  
樂曾小墮地甫百畝見字卽吟唔咸云有夙根風霜慎乳抱行  
路宜遠循墻得時事多塊壘不可捫心魂竟夜懸但與晨雞親  
錢香士陳粟堂汪叔明方小東梅卓庵李仲蘅連日邀  
賞菊皆未知余將行也

重陽風雨有歸期謂不傷離亦強詞排日素心招近局悽懷應  
有菊花知

南旋有日而同人無知者陳弼夫忽於前一日邀餞酒  
後作書夜分霜氣至矣

歸心颺發太恩恩強與留連有孟公老擊疾揮下繭活秋堂一  
醉萬山紅壯懷漸向愁中盡詩律惟應別後工五載益簪緣豈  
偶試聽齊語變兒童

別濟南

才是淡秋九月天殘荷敗葦已蕭然灘頭白鷺癡情性拍拍飛  
來照影鮮

水態山容似客忙誰從漁父問行藏天邊鴻雁無憑信正向南  
飛又北翔

霜色侵晨上馬鞭誰垂迴首使人憐淡黃寒柳如新柳笑比衰  
翁再少年

東阿黃石公祠

有大歷時碑李卓撰文後改名祠  
鈞裴平篆字題街隸字書碑甚佳

孺子取履圯下時老父乃以足受之出一編書是何語以退爲

進王者師捐之三人楚可破致四人救太子危功成封畱願足  
矣齊三萬戶何取爲西京治道尙黃老善能用拙乃大巧權輿  
所自誰之力博浪鐵椎真艸艸畱侯黃石蓋同冢仙骨蛻餘歸  
浩渺於今但有黃石祠古柏二千年未槁碑文大厯李栖筠書  
石裴平工八分題銜小篆竝精緊濫擅時名嗤少濫

東阿見吳筱亭大令所箸六書微

秦皇阮儒生西京置博士博士傳六經卽今隸書耳古文蓋未  
絕簡便失聖軌丹漆易以墨方策化爲紙東京許君出箸書非  
得已小篆本大篆象形安得似古意挽回眞行勢尤靡彝器  
後漸出鍾鼎及簠簋歐趙與洪辭收拾競摹揣宣和圖博古意  
越西京矣我

胡經術尊六書勸董理專肄浚長書孰究軒帝史三年灤源社

邂逅得吳子，揆蹠六書微。森然凡例起，作吏來夷阿。日聽政聲美，術齋屋半頽。圖史浩盈几，偶獲一半字。母串五千祀，寒鏗兩宵共。清辨清如水，老友來丁生。諸城丁小仙精悍互琢砥，何日書當成。吾衰猶可俟。

東昌視王子梅病承贈賤硯爲別

南北狂游不計年，三秋病廢止閒眠。名賤古硯殷勤意，未了浮生翰墨緣。

潞王園 輝縣

成林梨柿繞墳垣，異代親藩感

國恩十頃未荒香。火地行人爭識潞王園。

百泉用元遺山湧金亭詩韻

咸豐五年歲乙卯，自返故道驚神河。山東行省失天險，金隄起



伏空坡陀巨瀆難免有遷徙人生何暇徧經過秋風吹客不可  
住癡想未到處蓋多卻因老嫗轉迂曲先從厓下尋東阿銅城  
晚渡新黃河旋踰聊攝濟汶波南樓幾年不到此尙聞關口水  
響如奔龍夜宿朝歌甚寂寂墨子再來無可訶西穿麥田與柿  
林時見髡柳兼枯荷蘇門山名重河朔謂宜俯視諸峰羅百泉  
泉上夜氣靜仰視星斗疑且哦烏乎茲山培塿耳一抔衍迤無  
嵯峨高人長嘯出半嶺定有奧異藏煙螺況復堯夫與二程後  
先講學來研摩水源天下固不少何必於此相婆娑東坡與遺  
山詩字兩不磨見水止稱水元化無蹉跎因知詩人心自養天  
倪和山經地志憑傳訛不肖論列防操戈嗟余半生耆諷古疑  
不能明將柰何詰朝渡河陟嵩去暗蟲唧唧和我謠且歌

余勉  
聯云

半嶺嶺巒傳蘇門山知在何許  
東坡題守古湧金亭或是真源

閩新鄉縣志

挾石摧山沁水橫入河入衛總難平伏流濟瀆無聲去百里名川異性情

羅藹人太守招飲繁塔寺三賢祠祠李杜高三公益以何仲默李獻吉酒後作書示門人傅青餘何寢廬胡

蘇龍

論詩尙友道豈孤請看上座何人乎青蓮少陵與達夫同時命酒相狂呼大才一洩天欲枯信陽北地蓋小儒何時肩隨到座隅誰實爲此謬獻諛不顧古鬼相揶揄梁園欲雪風響巖繁臺白塔相縈紆感時撫事增歎吁飲不成醉歸鴉逝年來吟聲如盪竿凍墨兩盤尙可濡胸中奇氣紙上鋪古賢懷抱蓋未紆不幸命作詩人徒二三子勉爲時需衰頽莫效東洲夫

次韻別邊袖石廉訪卽題其健修堂詩集

平生蹤迹如風雨，去住隨緣不自知。  
排日畱連無事飲，卅年感慨昔游時。  
余於丁亥始游汴梁酒懷乍闌雞聲醒，山色爭先馬足馳。  
難得詩心相印處，采芳空谷獲奇芝。

成皋

成皋汜水西，百里皆土嶺。  
線路如修蛇，屈曲不可騁。  
咄哉古戰場，何苦尋絕境。  
一車塞其隘，萬馬難迴頸。  
我行值夷庚，冬初氣荒冷。  
五里不逢樹，十里不見井。  
傳聞癸丑年，粵逆來何猛。  
北行遂渡河，燕晉同時警。  
豕突犯畿南，狼奔蹙東省。  
蟻聚馮官屯，水攻克亦幸。  
豈無山河阻，所向莫之梗。  
守國在設險，人謀乃要領。  
賊至兵民逃，何殊自捐請。  
河山雖壯麗，天開圖書景。  
土如能化石，虎牢卽劍閣。  
石如能化土，岷峨卽鞏洛。  
石往秉剛

厲亦自相附著土性雖柔黏依然峙鋒錫中州本膽腹鎮靜藏  
筋絡骨少虜肉多乃受萬氣託莫羨長江清休嗤大河濁因其  
土石性於焉分厚薄

交讓路

鞏洛間多有之皆賈  
潤生作守時所爲也

作交讓路兼示碑傍山刻入溪且夷每行半里設一窾三車猝  
遇客旋移土嶺偪仄有如此天險豈在石峯崎虎牢自古必爭  
地慨想當年車戰時

嵩洛

觀水不至洛觀山不至嵩周流三萬里飄泊等萍蓬我初見洛  
水蓋自鞏縣東行入偃師河洛斯會同心胸大怡悅耳目忽  
昭融因悟皇古初天人共明聰游河與巡洛輒與帝謂通皇戲  
畫卦理神禹治水功圖書寶闡示易範開其濛嵩峙洛河開允

爲天地中茫茫羲禹後制作來姬公測景先陽城朝夕正攷工  
規度百里內乃營城廟宮成王受圖卜垂拱冲人冲太保非不  
聖承命位自攷公成文武德豈忘鎬與豐茲事蓋懸絕一掃口  
耳空卜年將九百周祚得再隆封國指奎婁定道育聖躬河圖  
雖不出鳳亦不棲桐聞知嗣先聖萬古開愚聾帝惟皇羲來放  
勳及重瞳發祥地相望闕里連蔥蔥海岱與嵩洛其氣相始終  
至孔乃盡洩魏蕩天比崇我由岱至嵩千里馳如虹獲觀泱泱  
洛迴憶洋洋風斯游信奇絕神志爲之充吁嗟今世事周孔道  
欲窮將使禮樂區化爲夷與狝瘡痍滿宙合悔禍望蒼穹私憂  
一懷古廷寸叩鐘洪

啟母石

大石如小山墮自萬仞顛蓋在洛洞時墮迹似鑊鑄訛云啟母

石周末野人傳孝武乃崇信識緯託文宣東京造石闕馮神飛  
雉翮祈福祀聖母炳朗延光年事理本夸誣文字卻雄妍遂與  
大少室三闕鼎峙然零陵我鄉郡群政實先賢兩闕皆與修名  
姪星日懸多年玩翠墨今識貞珉堅炎劉石迹稀未免煩椎墮  
奇篆漸損剝古意仍包纏披掌不忍去日落生山煙

游嵩

日照測景臺雲暗太室山月明少林寺雪擁轅轅關陰晴與寒  
暑氣候有萬班是爲大地中鑪鞫無時閒遂憑一山氣鑄此大  
字圍東西南北馳至戎夷狄蠻推求端緒處正在百里閒嵩少  
旣蟠結穎洧復彎環中間小谿澗數步間潺湲天中卽地中二  
氣自往還卻登峻極處亦復易躋攀不似他嶺岫險絕藏幽巖  
怡然若有悟我身失靈頑

身少少言金卷二十二  
行出春雨門敬叩中嶽殿嵩高峻極扁

聖祖天筆綸

高宗始巡幸陟頂閱巖淵

天章揮灑多箕少爲屏硯詩碑歷

三朝百餘年過電輦路不再修鐵梁誰更鍊恭惟

睿廟來游豫亦罕見茲事越千古敬釋

詒謀善兩京迄唐宋陋儒議封禪附會紛禮儀荒誣恣游宴則

天及靈后山川尤褻嫚何嘗無諍臣張崔有疏諫

行出萬壽門直詣嵩陽宮千年久頽圯書院集學僅橫舍何寥

寂蒼蒼織如緘突兀古巨柏年歲難究窮石幢宋題名門外唐

碣崇仰視此柏樹始如孫侍翁龍潭匯眾流乳竅處處通嵩山

多好谿傳自古畫工乃知萬山主石骨中虛空宜其氣騰越霄

澤出沖融剛柔兩而化神柄不矜雄

登測景臺下視量天尺皆瓠砌不可解

儀器傳聞海外來土圭遺製費疑猜莫窺元代量天尺況問姬  
公測景臺荒雪忽迷南北嚮古風誰挽帝王迴大哉堯命羲和  
後絕地天通作洛才

石淙

不覩石淙境焉識石淙奇頗疑造化奧秘此直至武后接始知  
創立三陽宮道暑恆於茲七言先自製從官賢和隨奉宸大夫  
有辭曜奉敕編錄君臣詩曜書大遜乃兄稷請看吾家信行碑  
零陵溘谿臺敎州流杯池天然俱勝此而乏其歛寄唐嵩陽觀  
煉大還宋崇福宮惟祝釐幽淙怪石物外賞千載讓與英雄雌  
從臣弟四卽仁傑赤松元圃老臣詞內史列銜非不尊後有二



張前三思味道元崇不足較我爲梁公終憾之

嵩嶽廟鐵人

治平元年三月春守神庫鑄四鐵人每陰雨夜神來巡無人不畏神庫神河山變遷更玉步望秩禮儀亦非故鐵人所守何代庫悲風蕭蕭吹古樹

登封縣署日日大風

風從何處來又從何處去登封小城邑直是風所鑄中嶽豈不尊四面崇嶺護聖人測土中乃是最低處

閱登封縣志示章靄堂

昨讀偃師志秉筆孫與湯源加論議每鋒起史例少思量今閱登封志畢洪名更彰秋帆與圖仿隋志戶口效元康列士述華僑會計依李常標題近瑣屑提挈失紀綱昔年游醴泉史筆淵

如長開卷昭陵圖全說所向方令余掩卷歎才大意不詳豈知  
志乘作先貴客氣忘簡練有康陸對山翔實惟錢章竹汀

會善寺訪智水上人

會善寺前水我先三里間飛成半山兩潄作一天雲細路叢篁  
織香風藥艸薰尋僧不可見雪岫晚氤氳

手拓三石闕

石經隸刻峙宮牆篆古從茲付渺茫珍重嵩山三闕字千秋遺  
憾蔡中郎

出轅轅作

看月嵩嶽頂千里白如雪少林雪夜宿萬山皎如月莊田不知  
處尚峙唐兩碣面壁事有無石影照毛髮五更塔鈴語飛出一  
林鶻驚落瓊瑤花客寢醒勃窣凌晨越轅轅石盤亂凹凸三東

東坡先生詩集卷二十二  
十一  
復三西環轉不可歇迴思雪月景何忍成驟別

登洛陽城樓

曠二千年王氣收霜晨闕徧古城樓伽藍記與名園記賸有伊  
川東北流

德研香陪游存古閣

徧觀存古閣前碑六代而還費拓椎束帶叩頭看寫字何人更

似研香癡

研香見余懸臂迴學作書  
狀地叩頭曰佩服佩服

天津橋

姬劉李趙此金湯古意於今滿洛陽地氣北南關治亂天津橋  
上杜鵑忙

老君洞前後觀六朝造象夜宿賓陽洞

伊闕龍門夜氣清人聲隱隱洛陽城酒醒一榻賓陽洞萬佛無

言大月明

迎日與了亮

水即習

香海宣印如指諸僧尋閱金石書畫

大有吳越閒風韻

洛陽訪古歎銅駝文字緣聞方外多老友六舟無恙否蓮谿几  
谷又如何

香山寺

香山寺裏奉香山尙有遺墳伊水灣文富歐韓司馬輩更無片

石在人閒

請公皆有圖  
今俱無矣

汝州舒芙嶠刺史陪游風穴山步上白雲寺陟山頂看  
泉出處下至觀音堂降水母處中爲喜公池左右各有  
泉出至吳辨叔讀書處酌於攬勝亭柏竹石所云三勝  
入風穴山五里許千千萬萬惟柏樹離奇醜陋逾媚嫵黏石卽

生不類土山脈三派靈泉飛石罅噴薄成珠璣聲如琴筑不溼  
衣水母跪受菩薩機瀾濤既靜山田肥劄壁爲牆不勞築前朝  
吳生讀書屋冬能不寒夏不煥想當未第甘雌伏日汲清泉看  
修竹山前山後兩竹林幽密無處巢山禽步入其中日色沈此  
閒更比淡山淡攬勝亭前生晚翠山氣森環不成醉醉餘濯足  
喜公池歸路回看白雲寺柏邪竹邪水石邪絢以物外空烟霞  
山陰道上恐莫加汝州刺史莫浪誇

美嶠浙江  
奉化人

昔年戚小蓉借觀黃甲雲畫卷私心奇愛重加裝贈而  
歸之茲從錢晶卿大令借閱襄城縣志知甲雲字唱韓  
是其縣人 國初由明經爲樂安令晚退後專以畫名  
也

畫筆荒寒出異軍昔年借翫把香薰今宵汝水橋南宿  
勝隔襄

城黃甲雲

獨山祖師殿

南陽城北

煙雨高寒景絕奇  
南陽佳氣覽無遺  
到來自有千秋想  
何必孤峯叩祖師

臥龍岡諸葛祠

臥龍岡勢鬱蜿蜒  
清水東南徑繞旋  
三顧重開新構廈  
躬耕猶賸未荒田  
儒修豈被韜鈴掩  
臣節彌因付託堅  
郭李文王堪嗣軌

游陽忠定

信國陽明

可將成敗聽蒼天

南陽守金稚園從南門外新移李孟初碑嵌置郡署大堂東壁

南陽碑有李孟初始拓贈我周鑑湖沛南欣購小松冊百年前拓神尤腴雪晨下馬卽訪此新移郡廡東壁隅慎勿日日拓贈

客羶椎容易傷石膚使君一笑何過慮不聞石有時泐乎奚如  
目前恣拓取徧詒同世譏古徒烏乎此語非不快百六十餘字  
字珠大河以南古碣少爲後來者畱須臾

到襄陽遇五弟由都回連日並船行風雨中忽相失  
解纜方離泊處磯蒲颿轉處便相違何如候雁聯翩影風雨中  
仍作隊飛

安陸夜泊黃虎卿餽筍酒與弟姪酌

新麪斤才十二錢荒城尙幸有豐年淡冬喜見頭番筍初雪剛  
多上水鱖骨肉啖違天與聚江湖平靜月初圓傳聞筆報難憑  
信暫撥愁煩取醉眠

胡詠芝由英山移營太湖書來相逗畱別汪梅部丁果  
臣

大開書局在鈴轅

時開書局於撫署多桂軒輯刻讀史兵略

賢士翩然共討論汲古

有源經緯出愛才無底性情尊

華星春引太湖路積雪夜明多

桂軒樽酒句畱兩儒猶詠稽地志與天元

梅村講地理果臣談算法

十二月廿五日立春太湖畱別詠芝君久抱病葢誤服

溫劑余小住三日不令服藥眠食談飲乃俱健勝

營門大開不須歎主人遲客欲忘盥十餘年別果精進刻盡才

華歸樸坦羣才延訪日銅匳宦味澹餘能侃侃兼資文武根道

力舉世同聲歎微管雪夜聯牀語微不至病驅卻藥意怡術君言

時弊苦末疾醫者宜求和與緩將才日出循吏希軍務方長民

事短務敦悃幅蘇瘡痍未宜馳驟矜威斷殺賊容易圍圍難此

意有誰窺奧竅我言君疾正同此貴以優游平剽悍一身爲任

軍國重萬士歸依肝膽滿精神惟仗自存固箴石豈容偏峻煖



且遲歸計向湘水暫可新春同酒盃忍將別淚彈向君媿我江湖恣閒散

除日到黃州雪堂寄懷詠芝

逢迎到處醜驂駢慚媿清狂老布衣官事已因封篆簡與夫況  
爲過年稀半生游思如雲卷千里鄉心竝雁飛坡老有靈應一  
笑忒鞵帶滿雪泥肥來往俱詠芝  
介牧令俱張

東坡再見黃州閏作賦題詩滿雪堂何必千秋論興廢祇今十

載有滄桑

雪堂燬於賊詠芝  
督軍至黃州重葺

江山不逐浮雲改豪傑爭隨去浪

忙待子功成早歸隱樵兄漁弟共鷗鄉

獨游

獨游休怪性情偏藉艸眠雲意適然既免兒孫多細碎又無賢  
從苦菑連寺藏復徑須接輿嶺有千盤必造顛今日雪堂成小

憩江山滿眼入新年